



830963

太鶴山人集

詩卷十一

油燈檠示同學

展書不眠夜，統鼓荳燈出。出共書語擡頭不曉鐵缸空，猛注黃油荳花吐。燈檠相看同我身，置在書堂四十春。握管彈碁皆倦罷，觀書滋味獨情親。君身燈檠君自覺，無有生。成燭龍燭讀書，增益智膏油。一日荒停便不足，願君且讀。且添油莫仗羲和，白盡頭君才不解如陽燧，取日無窮用。

卷十一

自由桔槔轂軸君知否，屢澤脂瓶方應手。一生長夜破悠悠，何惜焚膏窮皓首。生不願火蛾千樹去朝天，死不願魚膏百斛然重淵。但願荳燈一盞長滿照我眼，眼光看書萬萬古。一時富貴瞥眼落燼秋風然，龍鳳相煎竟何用。此燈照人能長年，君不見觀書中有不死人。此人不眠當日同在燈檠前。

明凌忠介早朝圖

緋衣掛闕何神人，偉髯瘦頰長眉顰。袖中書疏百十上，欲清九鼎暉龍鱗。崇禎時事訂日急，臺諫楚蜀爭狺狺。皇維

决裂萬靈厭春秋六逆羅縉紳帝聰贖亂臣宄作反餌猓
猓殘麒麟宰相孤立竟何益樞臣不職誰能瞋大木蠹爛
日顛仆况復斤斧狂四鄰東華城門且不啟縹衣駿馬生
宮燐大呼觸柱血被面承天勸進多羣臣焚書無使汙賊
手况余清白綱常身作書辭父忠孝備范倪數公真吾倫
忠清忠介兩賜謚我

朝謚法尤嶙峋披圖螭陛尙髣髴天王明聖臣前陳丹誠
不識小臣苦太平漏點趨清晨夜烏啼散宮城在萬壽山
前柳木春

卷十一

二

愛山書院荅沈生

代太守

沈生壽我愛山圖東南秀滿浮玉湖慚余五載綰州符道
場坐領清平娛洞庭東西雙冰壺孰和余兮列仙儒此邦
山水清且都濯磨士品新璠瑜家家鳴有鷓鴣鳥雛人人
有驪龍珠春申朱履遺下菰沈家金佩留小敷東老酒美
仙人沾前溪曲麗花前姝乃不以此充歡飲明詩習禮行
瞿瞿學堂百舍來步趨握衣上階席坐隅一室志守四方
弧十年器成千石鑪三吳於中號西吳太守不是孫與蘇
六客堂前明月孤喜來墨妙清風俱黃金節轡千里塗天

門直道無崎嶇公等齒白脣則朱奇光日夜騰菰蒲題襟
書上今記吾明歲鳴在高岡梧九賓傳璧觀

皇都物色何論烟波徒湖山有此良非誣看取浮玉高浮

屠

新修碧浪湖萬魁
塔應湖州科名

書徐謹菴先生晨牕拭目卷後

麻溪水甘且澗麻溪里有孝子孝子事百年今尙在耳

孝子誰道姓徐孝子爲子父爲儒家無田惟有詩書往授
里中兒出門十里餘日日步歸阿父待哺 一日歸父聞
兒呼起牀長吁以手覓几足覓塗兒驚前視父何如眇兩

卷十一

三

睚無有青眼珠兒早不省兒罪當誅 走求醫有無良醫

求有良醫醫言不治莫言醫縱復藥師膜老眼何有青天
時 出亦不見兒入亦不見兒父不見兒兒生何爲兒自

思嗜父癰癰能生肌兒有舌兒不舐之而奈何甘乎糜

朝漱口夕漱口一盃水父眼日日去塵垢舐之百日餘阿
父執兒手早起目朧朧或者朝日在牕牖兒驚喜天公下
百叩首翳目忽然開白日見星斗 嘖嘖里中叟徐家兒
古無有麻溪出孝子爭賀雞酒阿父壽考

石村行

開倉開倉納糧納糧一石粟不足五斗六斗量兢兢皇皇
走羣羊視吏如狼縣官怒坐堂皇 奈何鼠變作虎千人
連一人一人行向前吏不敢取今日粟黃金不比從前是
沙土一粒粟一粒數蹋破倉斛自舉縣官坐堂皇汗下如
雨 嚙一聲有千百聲磨打鼓發船歸揚揚出城誰一人
智上坐呼神明屠羊擊豕保社皆弟兄年年歲歲吏不我
嬰 捉人來捉人來縣官募打手百船一齊開棹斷港突
時礮石船頭摧吏下水牽船擲火燒作灰縣官懷印走哀
哀叩頭乞行臺行臺曰唉余其來 下令大黠兵捉船泅

卷十一

四

泅人不敢行去之五里屯五營打礮日夜驚狗亦不見吠
雞亦不見鳴偵之家家戶反扃好下令休吾兵兵者凶事
不可輕 行臺還臺縣官待搜人索摸在後東搜一村西
搜一村開棺掘塚看有榜文三千兩人頭出人口爾一
人智於何處走官已獲爾婦

顧受笙 均 自德清來題其清溪泛棹圖

夙昔青山興結託在烟水阜亭落葉初一棹溪光裡泛泛
古餘不新陽復如此流景坐相忘心賞未云已落日放龜
人清風織簾里濯足白漚前川長有餘美身闖逝水多目

翫浮雲起何論若邪深獨往滄州始誰期浮玉灣
脩脩竹竿樣

曾石生春園敘樂圖

十年客茗溪家山倏如夢時與同心人烟月資清供永嘉
富山水君家好羣從不分屋東西行樂一人共縹囊足古
歡此事誰伯仲園桃吐芳姿時鳥發清嘒披圖見髣髴好
風一吹送我憶松臺山松花滿春甕

周篤甫省母歸里却寄

倚閭人老念充閭學宦當年悔絕裾望子成名勞歲月及
親歸養愛庭除甘辛賢母勤丸膽溫飽庸奴笑讀書要待
嚴家稱萬石里門相看問何如

和王芑泉茗溪舟中作

清茗小艇泛鄰鄰比似官齋獨洗塵身世混茫流自在江
湖頃洞濟無因天邊魚素投人老物外鶯花餉客貧多勸
使君一杯酒白鷗如雪四鄰新

浮玉山前倚玉湖夕陽回首滿青蕪柳亭鍛癖思中散蘭
澤牢愁憶左徒海市已看城郭變漆園還任馬牛呼扁舟
入手今吳越笑問西施網有無

王以翰林改萊陽令又改烏程丞

金登園

延棟

赴上海見過歸安

何來何去意傍徨行李西風日夜涼半路蓬頭見有垢外
家屈指婦無糧愁人多病原無崇志士長貧莫道常我嘆
皇天無老眼前途昏黑令悵悵

百年蠹癩對儒餐萬事悽涼付達觀不相幾人談蔡澤無
家何處學馮驩牛毛識字多憂患雞肋求名習苦酸十月
衣裳棉毳薄三江風浪道途難

蕉牕坐雨圖

書幃不捲綠天裏矮屋雲藍高種紙風聲一夕過牀頭墮

卷十一

六

幘詩人朝失喜雨點跳珠湖上來墨痕洗退石階苔芭蕉
老大無人替獨翦秋燈撥夜醅

張情齋

畫

畫六友圖

六友爲趙晉齋金登園潘小昆董霞樵林石筍及予

渴筆真吞海水乾圖成六客笑儒酸時來廝養千金重運
去英雄一飯難碑帖滿家都乞米囊書去國漫求官願君
牢置山堂壁門掩江潮獨自看

吳劍星過訪

十年課飽蹲鴟去偷向成都酒肆眠忽憶故人好菱苧炎
風催放下江船

城南相見多詩客報與弁陽舊寓公好事荷花天不管滿
湖風雨打船篷

方蘭坻畫春筍爲韓蛟門題

潮題

王家書味此君投餓隸人間笑子猷料是山陰寄居夜一
鋤偷斲墨池頭

清寒酒客厭齋腸想到貓頭一只強誰信地壩深閉戶老
稍欺雪拄莓墻

谿源過雨劇驚雷頭番春泥坼不開洗籜山家新汲水野
籃尙未入城來

卷十一

七

玉版詩禪又畫禪茶瓶還有舊因緣一心苦咒黃山谷風
雨齋頭惱竹眠

哭金登園

儒冠餓死未言貧螻屈如君老不伸一飯揶揄猶有鬼三
條擡舉竟無人備書闕澤心情嬾笠仕虞翻骨相屯同學
可憐輕薄在百年相鬪及時身

死去人情一髮輕難於未死說忘情無家藥裏謀何得有
子書囊業已更伏枕傷心爲寄客蓋棺流淚到經生如君
亦辦千秋計誤著清寒是後名

解友

膠試黃河不肯清膏看白日未能明喉中惡刺吞長在眼底狂花視更生出手彈丸元易失當心碁局本難平却成大錯知誰鑄休撞洪鐘肯自鳴

折柳猶堪代馬鞭繫壺亦可濟江船事當罷去何今日路必經由已昔年傀儡跳場機漫轉轆轤窺井索頻牽莊生一笑方齊物屈子多愁又問天

徐書山 大酉 得校官歸館吳江却寄

眼底江南見水村長安削迹避塵喧天街朝日衣猶映宦

卷十一

八

舍秋風席未溫遲我十年非宰相重人一飯是王孫湖牕定有垂虹色每到燈時雁語繁

東陽最好是瓜疇一去松陵感獨遊遠道挾雌勞作雉老年舐犢望爲牛擁書便號五湖長把棫能傾萬戶侯我寄吳箋渺江水蘋花菱葉兩悠悠

九月十日招同社作持螯會

峴山風雨幾重陽又遇登高秋夜長柴螿應甸藿白爛黃花隔日酒缸香一官食簿三年辦六客詩篇九月償料得獻嘲詩有意茱萸再把鬪身強

贈張情齋

樂府無聲發妙伶花枝不見上銀屏冥搜天外頭先白獨
立人前眼自青寫鼎文章愁颯颯銜杯禮法笑螟蛉一生
奇怪憎書畫對著錢神不肯靈

仙酒餘杭老有緣寄廬獨夜又堪憐一枝瘦管冰成語三
尺枯桐月伴眠婚嫁已無遊嶽累窮愁何用著書傳道人

自向尸林悟情齋自號尸道人偏覺蜉蝣是大年

杭菴浦先生秋堂聽雨圖為許青士乃濟題

情人惜良會跋燭成今古長年客地秋曠然念疇侶作此

卷十一

九

燕山圖昔有杭與許寂寞多古歡詩堂聽秋雨只今逝水

俱歲月不可數好事月旦家文筆如乃祖許靖岩開卷一讀

之雨點在檐戶夙昔此味諳情話出羈旅晨燈日無聊世

事各寒暑圖中黃髮人百年見爾汝圖中七八乾隆壬戌年作掩圖起

三嘆此事今如土

唐小忽雷為劉燕庭喜海作

韓晉公入蜀以逆選植木製胡琴二名大小忽雷
進入內府文宗時內人鄭中丞善小者以匙頭脫
送崇仁坊南趙家修理後甘露之變中丞以忤旨
縶授河權相舊吏梁序本在昭應別墅垂釣援而
妻之後黃門聽其琵琶聲復召入康熙辛未孔東
堂民部見之燕市購得之龍首鳳臆額下有小忽

雷篆書項有臣澆手製恭獻建中辛酉春正書十一
一字皆嵌銀民部坐客樊稜善音彈此東堂刻二
絕於軫上曰古塞春風遠空營夜月高將軍多少
恨須是問檀槽中丞唐女部手底舊雙弦內府歌
筵罷淒涼九百
年今歸劉燕庭

平章軍國妙丹青手製遼邏蜀玉形何似河西楊節度霓
裳進曲雨淋鈴

馬上雙弦進御杯雲韶仙部後庭催逝波一去如紅葉不
信人間有鳩媒

南趙檀槽聽裂繒黃門消息漏中丞廬江小吏民間曲寫
入宮墻怨不勝

卷十一

十

霹靂無聲闕玉宸傳頭零落一千春樊稜變調淒涼甚聽
出唐宮玉筯人

吳山睡起

鼠齧枯藤世可憐捕風繫景事仙鶴投紫府全無信桃
落元都又一年漆髮難憑天作主金沙休買海爲田舊時
丹訣渾忘盡閒向吳山枕石眠

茶陽道院

霞牖雲牕景寂寥絕無塵點駐層霄石壇毛女松杉冷金
鼎胎仙日月遙城郭夜生三里霧乾坤春送一江湖道人

老去青青鬢肯換秋蓬戴雪飄

野人醜青精飯

仙子胡麻未有緣野人青飢法誰傳一簞水碧螺溪上五月風香玉飢前山名荷葉投魚池檻倚莓苔看蟻石牀眠飽來做個游仙夢真覺黃梁不值錢

清平山同社作

明河轉角月沈鈎寂寞爲歡未肯休詩客枯腸搜燭底酒人清夢落江頭堦無樹影誰憐夜砌有泉聲便憶秋好是天涯朋夕永隨身茶具鎮相留

卷十一

十一

峴山十五老圖陳補松屬爲作歌

十五老爲蔣石菴少保珪劉南坦尙書麟顧箬溪尙書應禘唐一菴樞李半溪丙陳練塘良謨韋南茗商張石川震朱雙橋懷幹吳石岐龍吳茗溪麟蔡夷軒玘孫郭南濟吳西園龍湖州峴山逸老堂是此十五老今圖存補松陳氏

吳興主人示我峴山逸老圖乃是嘉靖三十一年黃生摹黃彪令我一見心往浮玉峯前碧落之秋湖湖中水雲白

玉色交菰蘆窪樽倒景出金碧青天一席凌蓬壺隔樹兩童子粲然啟玉齒問之所從誰峴山老人是有三老人一者語二者竚聽容髮古山中知非論世事咳唾飛花墜岩

戶有四老人一枰棋莓苔上石青離離閒身又入局中劫
雲山不自供支頤行前三者一回首念有同人尙在後道
場清影落船頭風片吹衣玉湖口此際烟波碧到天陂陀
盤石浪回旋誰移竹裡煎茶器又棹荷間載酒船有五老
人盤石坐茶中高逸酒中仙吁噫乎富貴驅人海水奔潮
翻潮落不歸村髮毛墮作人間雪風捲衰蓬去古原幾人
富貴浮雲似日暮還山長自恣太平歲月樂徜徉忘却朝
衫前世事主人主人爾生吳興湖上之山不出山不用乞
身向金闕便可酒杯呼儔嘯侶來往金盞歸雲間余亦閒
官不拘束青鞋日日相追攀何待歸田得歸七十八十蒼
松顏君不見圖中老人誰長好我輩年華都就老峴山啼
鳶悲荒草

湖社懷賢圖卽峴山十五老第二本

見古性情古有詩古人無詩誰見之見古面目古有畫對
畫古人如在座我披峴山逸老圖乃有二本形無殊相傳
此本出蔣第當年文潞相稱呼畫中年紀八十八蒼松植
立髯尙書又傳當時十五本一老一本如束筍峴山日月
有去來畫裡閒身各清穩碧浪湖頭雙酒船桃花春社樂

忘年窪樽飲罷樵歌起娛老清平舊賜錢只今畫本全無
據瑪瑙坡前白羊路堂空古木壞如墻况有詩牌落何處
劉公顧公青史人唐公儒雅亦人倫湖山古社十六會遠
有兒孫難俱陳摩挲此本無光彩三百年前夕照在漢江
水底峴山頭兩者升沈都不改我題彼卷復題斯自嘆浮
生事業遲老去枝官無用好峴山風雪立多時

蔡木龕齋中見翠雲草愛之主人請賦

野葵黃作花映水秋廬靜扣門覩主人日坐無言境盈堦
積奇草溢目趣先領雲鋪一席平葭塘失秋影羅浮翠羽
墜仙夢不能醒真覺古墻根莓苔孤冷此時老桂枝砌
石儼修嶺黃雪候繁英香國成俄頃物外日以來區中日
以屏木龕無隱禪知有酒人請

偕方蓮舫郡伯及汪銘甫自龍灣至羅公洞并圓讌

寺

秋漲畫船輕青巒幾個迎一鳩呼雨寂雙騎入雲平洞口
尋龍簡松頭坐鶴笙道人毛骨異疑是馬鳴生

簌簌入無際溪路綠光通寺冷鳥聲外人醒龍氣中

羅公洞道

士酒極佳
飲之醉

蒼翠賦康樂丹青圖惠崇時聞方響版泉竇浴

堂東

遊人心迹異心住迹偏還荻岸開圖畫松泉隔珮環山長
蠶尾隱郊濶馬蹄閒九日登高去林楓識醉顏

戴銅士作登高持螯會

紫蟹黃橙九日香蒲塘六客醉莢觴題餽彩筆三條賸客

秋賦者鬪酒銀燈一味涼照夜溪寒猶有火悲秋人老久無

腸碧山紅樹仁王寺每憶登高此會強

方郡伯得五湖長玉印為作歌印是前湖州太守
沔陽李公名堂物

會稽太守章露綬邸吏驚呼下堂走還鄉衣繡東西吳當

卷十一

古

日何嘗無五湖只今問取朱翁子會稽太守章何如吳興

半是會稽守文物聲明無不有昔時太守李沔陽今日方

侯在人口方侯作郡愛清遊管領雲峯未白頭有管領道
場山印雲

峯節太湖三萬六千頃願澤人間何日周沔陽太守早入

想州官署作五湖長八十年來一片心沔陽子湖
州有善政付與方

侯善休養元玉摩挲發印光靈威丈人笑在傍硜硜押尾

閒文字何若鴟夷酒甕香五湖長九州伯典午紛紛誰主

客長沙江潭柳樹枯安識洞庭好仙宅九州伯五湖長黃

金斗大孰想像是處烟波有釣徒此心日與滄洲上君不

見餘不溪頭人放龜鑄印左顧龜如之奈何乎此印封侯
人不思

送杜立階移官臨安

君家古京兆奕葉多朱輪著姓東陽郡服道存清真讀書

諸生日落筆何紛綸盧炳濤徐大酉及潘國詔范肇沂同

輩揚高塵筮仕忽不達一官甘賤貧白水烏程鄉校士逾

十春偶逢時歲災勤苦能及民大吏為拂拭薦為王家賓

校官升首坐學堂鐘磬新烏程移臨安東家遷西鄰可憐

比日魚都是池中鱗臨安古奧壤土俗饒真醇願以湖州

卷十一 五

學為彼常諄諄他時擢大邑治事身所親庶幾活人手不

媿秦越人杜習醫無為守山中抱膝長苦辛如予且休去求

食江湖濱

壽汪孟慈喜孫母朱氏

南陽有許奇是有其母阮許既名父子其母先陶侃致令

父子聲卓犖著在遠江都汪孟慈有母良不悞清門照人

間名父高偃蹇母賢內相之其聲實婉婉孟慈且少孤門

戶持早晚父書能使讀微義扶古本父友能使交名公過

粗飯學成使之仕華省早以踐忠孝磐石基不隨時代轉

開口論世事要使情悃母食朝以甘母寐夕以穩如此
母子間古有今則鮮賤子交孟慈踰於素相善敬逢母氏
壽願以長歷衍登堂薦酒卮自媿辭語誦庶幾白華篇千
里期長勉

葆光丙舍爲李鳳岡先生威生壙屬題

南郭如槁木喪我何嗒然我觀人間世不有南華篇東海
揚黃塵北山煮白石焉知長往途忽送遠行客勞勞且自
歡世上酒杯寬青山萬古宅待我西林端天地偶然耳只
有葆光子長安人海中脫躡早如此此間人開闔桃花春

卷十一

六

蕭閒東風無老去相看玉泉山

丙舍對玉泉

顧南雅藏以視學滇南山水冊屬題

河山在天地譬如產人物天地一一生氣象爲彷彿東方
起岱宗元氣兩儀溢日光環四中賢聖皆此出東南西北
隅山川間倣謫天傾地陷偏其氣鍾仙佛西南古鬼方荒
怪不可詰論其山川形罔象昧出沒天地混沌根食果剖
及核大化不設施型模具倉卒以之人物生往往但材傑
世不逢聖人安彌此間闕滇海西南僮聲教古所訖使者
起東吳持節吹銅律同人巽風應占利得朋吉爲櫟齟齬

聲從容中琴瑟磨礪玉碧光文采貢王室北瞻斗戴篋東
識海出日河山萬里同使者職可迹校士用爲程垂之丹
青筆

鄧湘臯顯鶴松園聽雨圖

長年客味諳夢聽江湖雨燈影不相親蕭然念儔侶不有
招隱書已自憐辛苦况復連牀人昨寄山中語知君行去
矣枯棹響春圃

阮梅叔亨珠湖草堂

驪龍睡在淵蚌蛤孕在川蟾蜍照碧海幽夜清光潛何有
明月珠白日九衢懸可知靜者慮皆是雞鳴前谿谷守吾
雌於世胡勿然君家淮海濱論古多名賢篲湖舊明月烟
水淪長年今君築草堂湖珠復來旋菰蒲相空澗此道歸
忘言當今青雲器諸阮誰攀沿我觀北湖社耆舊藉流傳
湖天發清響不在蘭茗篇及時崇令德顯晦庶其全

潛園爲屠琴鳴仲作

余早筮周易爻得在下陽不有龍德隱蟠泥固其常君本
勁羽翮虹蜺垂天閭一擢試劇縣搏擊何其良再擢九江
守聲名行列疆露冕方此始何事戡飛揚人生無早暮語

寂難俱詳我潛志在飛望古起頡頏所懷良不偶窮歲甘
摧藏君飛翻欲潛履道方旁皇大江駛順風陡下百丈橋
天械盡棄散放足追清涼我觀潛園作理妙不思量淵泉
到慈氏瓦礫成老莊舊日清平山拂塵下方牀憶我昔交
君廿載不同堂揚州阻風雨一夕愁相望約日見過過日各異
適分斷征鴻行長恨交臂失誰言毋相忘瓊玖聊李報送潛
園詩集所懷誠勿違潛天而潛地高下殊元黃其道一潛耳
天地兩蒼茫

焦隱洞

卷十一

六

我訪焦君隱悠悠江之涯青山長借姓碧海遠浮家三詔
巖留字千春洞落花共誰攀薜荔峯影夕陽斜

觀音巖

日氣生松背江聲下石頭竹林禪窟冷世界一巖浮甘露
人間徧金峯鉢裏收亂帆爭向夜燈影海門秋

松寮閣

千年枯木影菴老此空山聞有參寥住謂詩僧借菴時人每往

還我尋焦隱至磬冷夕陽間欲與留詩偈探幽迹未閒

海門菴

千年海門日不與大江東每日山雞唱清光竹木中堂虛
還疊石砌靜更鳴蟲早夜滄波冷松圓月在空

別峯菴

獨愛焦陰靜高禪老寄蹤懸燈黃葉下綻衲白雲中北固
鐘聲隱西津樹影空時時海門雨深榻類孤篷

瘞鶴銘石

縞衣化已久塵蛻委人間昔石元纁禮白雲瘞此山我尋
真逸迹華陽昨日還仙家存驥骨書字石苔斑

焦山頂後望

海門聊極望高上佛頭巖天濶連低樹江平立遠帆綠波
洗春屐黃葉換秋衫氣候殊城市山鐘報夜嚴

焦山臨江客館對金山讀書甚佳

浮玉小方壺懸空一畫圖石闌平對面掃地忽江湖酒琤
清風價書鐙明月珠年年能借讀真喚列仙儒

歸雲上有終焉志

朝日烏亭拂野中青苔好爲臥車輪客行遠道關山賤人
過中年歲月貧霧露豈無元豹澤滄洲安有白鷗塵年年
誤汝蒼生話莫誤蒼生幸息身

戴晚生夢匡廬圖

白雲親舍廬山陞湖上潯陽夢到之李白讀書臺下路書聲送與白雲知

太行羊腸繞夜思時時夢見上壽時君看雲錦屏風疊好把廬山作酒卮

湯雨生

貽汾

都督神光山瘞齒圖

藏牙儒生談天口瘞齒將軍擒賊手神光勒銘白石堅輔車不落長城後鼓角清平又廿年道場風月戟門前湖山撚斷吟髭黑嶺外梅花索酒錢

卷十一

十一

瀟湘烟雨橫披

有客蒼茫楚江渚手注離騷作騷語竹枝天冷湘夫人鼓罷湘絃一江雨洞庭木落沙棠舟泯泯啼烟山葉愁白雲過去看無迹畫取篷牕一段秋

宜園漁隱詞卷

烏墩風荻徧秋湄一夕蘭橈泊未知不道宜園漁唱裏青燈新和白雲詞

詞家逸品妙無絃舊事松陵路渺然一曲小紅能換得人閒不記石湖仙

湯雨生秋江罷釣圖

大江海東頭桃花紅十里落日半浸江照見鯉魚尾口吟
梁父歌身作天隨子一竿了英雄天意不如此不如且罷
去長嘯扶尊起

吟釵圖爲湯雨生

忠孝傳家識母名沈吟釵玉淚珠橫卅年都是分岐路夢

斷瓊花月五更

湯母斷釵吟作於揚州有於今別
有思親淚記與釵時新上頭語

烏髮青燈苦課兒不拋釵股鎮相隨分明折臂三公兆報
與牀頭阿母知

卷十一

三

汪小米

遠孫

松聲池館勘書圖

汪君武林彥松聲妙池館書有一房山終日把湘管閒階
聞落葉虛簾見茗椀望古歲月勤作宦風塵嬾鬢書討微
言奇字在所緩窺文雨粟前許義乃左袒知其造字由羣
詰始可箋汪君志陸氏

經典釋
文補

其事今人罕抽心萬卷長

過眼千秋短青燈事業大所願何時滿不放紗幮空長松
夜無伴此味鄙人耽雪上習蕭散何當臥西湖時時一來

款

夢蘆子

蕭蕭聽風葉秋夢下蘆塘舊隱此間去釣竿終夜冼洞庭
月可拾空露濕衣裳欲往無能到愁心川路長

潛山

我愛潛山好春溪一棹前白雲半山路下有梅花田方牀
可招隱彷彿是棲賢莫向時人道諧余靜者禪

寶華禪寺

仁王有東谷原是法華山蘭若多芳草齋魚盡日閒西風
石林客片席下姚灣卽此成幽憩竹深雲掩關

書錢竹汀先生隸書後

卷十一

三

竹汀老人此奇筆書味醞醞古經出長洲文學顧八分蹤
進珠槃行以膝水流雲在心閒閒子弟想見兄容顏錢可
廬先
生大昭題其
水流雲在圖解寫澄江明月句南山豹霧管窺斑

遊大壚瓏山同陳抱之温鍊華

置酒沙棠舟川長眇瀟瀟弁山西枝陰石狀出烟杪所造
巖徑微又見巢居少香空墮岫華寂破啼林鳥樵童道徑
迷徑側呀空窅窅見東洞口谷午中未曉深觀駭吃呀狂
入戒輕佻陰洞玉泉洞清耳聽不了冥冥西洞來虹臥狀
百遶一驚出人間奔電過風篠想尋歸雲洞龍居敞虛顛

雨收太湖青雲注石根裊聞有定心石仙客題縹渺

定心石傳

有唐杜牧題名古宇落何邊飛空白日小天公一丸泥咫尺隔昏

杳不放火鈴窺况使種椎擾我觀造物奇深腹藏天巧帝
竅鑿中心混沌貌在表比擬古薌林早覺區中藐况復小
瓊瓏奇態更天矯薄暮天東垂愁予目眇眇

棲賢看梅花同蔣霞竹奚虛白高已生張蓮民戴銅

士

日湖波綠來吾儔掉船喚作西溪遊棲賢梅花古窟宅一
溪吹雪林端浮三里五里結心想平巒偃蹇成阻修物外

卷十一

三

亦是人間世野籬吠犬津飲牛青鞋未到如舊到荒荒烟
路知其由白雲一鄉無何有梅花世界仙十洲千年伴侶
作春夢蒼苔自醒空岩幽挹泉飲蕊共冥坐但聽澗石濺
濺流人生入世太無味東風又爲東風愁山中人家隔世
事種梅屋角連溪頭我乞一鋤謝公等花時讀易存丹印
同葉亘峯奚虛白戴銅士泛舟登道場山至歸雲菴

觀明人墨迹長卷同賦分得徹字

南山蘭若佳又此九秋節平生把臂人物外心期結微風
浦澗長荷蘆饒百折坐覺湖天虛鮮氣日皎潔雲頂共波

心浮圖相映微鳥聲與林影了義無言說到寺池水香瑤
席尚在列此中有詩禪碧椀搜冰雪我心是歸雲行去不
有轍空山一葉下頓若人代闕文字何紛呶空華視明滅
天公老畫師萬物不施設人間無聲手象妙日相竊巨峯善畫
大化期宵然有道自肩鑷雲歸人迹稀日在西峯缺

溫笛漁山館松弦冊子

抱琴山曉閣爲客一揮弦弦聲入無際萬松流澗泉雲水
味何淡清暉人不眠飛空烟鶴響知是洞庭仙

潘功甫會浙金牛湖柳艇冊子

卷十一

三

人間風月元無價不在清都白玉堂一段西湖斷橋柳年
年來酌水仙王

湖頭一舸且自放夕陽在衣人影紅南屏鐘動魚吹出此
間安可收詩筒

有句尋之鷗鷺汀無人相賞天空冥隔湖喚起林處士埽
石爲坐孤山亭

宋小茗咸熙著書圖

讀君夏小正如有古東風桃李不言在春生谿館中
老子天台仙去珠簾一捲千年華頂蓮花石「待君手濯

清泉

謂茗香先生天台山珠簾泉詩

醯雞風味書囊裏汗馬功名筆陳前持與人間爭不去肯將黃閣換青氈

湯雨生琴趣軒

寒林雪霰夕大江雷雨秋江秋及林夕寫我心悠悠世外千載想人間萬里遊鑪香繞靜室烟月鄰十洲可知一枯桐世界無不收前有無懷氏又有不死邱松聲長浙瀝鶴態老夷猶軒牕日以靜琴軫日以道一家且可隱四時何勿周將軍此謝客安用萬戶侯

卷十一

三

錯道人詩中十九僧歌爲湯雨生作

錯道人口飲江南春一江白雲衣在身早投世網奈何錯虎頭食肉儕凡人不凡世間定何物勇邁千古圖作佛佛性原來只是僧每聽僧語瘦成冰江山一一供餅拂十九詩僧登上乘閒雲野鶴無南北羅浮金焦望不隔獨有道人一人識錯道人六州鐵官可傳檄莫爲人間鑄金狄入世詩魔出世禪法海條條振飛錫毛錐處囊苦不脫碌碌何惜頭上髮平原門客掃如烟祇見圓光雁門月錯道人從來錯爲羅江東詩句但可隨東風貫休夢象嘆不足鄭

谷吟壇笑轉工

鄭谷詩好用僧字時語鄭谷吟壇愛惹僧

道人畫筆意而已十

九僧在烟墨裏可憐視我不相似不是黃冠不居士試畫

江南僧父圖此間有一其誰乎

姚笙華樟遺像

吳興好侶如明月照影三人一是君

湖州廿年舊侶唯笙華徐雪廬海上

仲車無恙在

雪廬以失明居乍浦觀海書院

痛君宿草與遺文

金門避世元多事州縣勞人更可憐一枕白蘋洲上夢道

場風月憶年年

送顯清上人西遊漢中

卷十一

美

顯師來雪上正逢大火時雪上與之遊如有冰雪期高禪

了無著妙諦皆清詩此誠名家器可惜衣裳緇天童振法

席

主天童寺方丈

海風旂檀吹早早祖師鉢傳與半夜兒此來縛

行脚獨行天西郵問之何遠遊泣下如綆縻袖中一尺素

臨行爲我披道是其父書墨淚還纍纍坐事遠戍邊辭家

長別離託孤到慈氏世路真險巖手之不忍讀此是師根

基我佛非空桑豈是無生爲西郵落日邊路遠何足悲所

念垂白人歲月安能支父書卽祖印辛苦晝夜持天親佛

名字立義無轉移荷擔如來法不在阿僧祇辦此一生事

便是人天師送師獨行去書末爲此詞孤雲但遠天故國
還在茲記師西行日芙蓉被江湄

稼堂老人卷

耆舊無人識清茗照古顏野耕妻子好今有鹿門山
昨日城南郭誰題黃葉詩峴山尋逸老倚杖立多時
手種溪邊樹溪錢散白榆杖頭無所用不繫一壺盧
家收三畝林釀酒古方聞借問回道士何如萬石君

管夢笙索題姜白石遺像

南渡詞人白石翁清詞真有晉人風方袍老去何方叔禁

卷十一

三

得花枝醮酒紅

花氣薰禪鬢早絲道人隨例放楊枝無端羽扇秋懷滿記

着青眸膝上時

紙上功名同汗馬句中骨相批封侯陵霜數點丹青在須

及人間尙黑頭

舊像白石書自作絕句末云黑頭
辨了人間事來看陵霜數點紅

管夢笙紅兒按拍圖

春風詞筆鬪春妍瑤席清寒竹外傳喚起玉人都是夢暗

香吹送石湖仙

江北江南總怨春玉龍哀曲幾番新小牕橫幅香重覓睡

裏春風有那人

過陳抱之魚計亭題風廊詩卷

魚計亭吹雪風廊好詠詩辛夷一夜白浮玉到牕池睡鴨

燕春夢盤螭摩古姿何年曝書叟清唱此多時魚計亭額朱竹垞書

尋思說劍樓秋水忽盈眸上客羞冰碗佳人弄粉毬主人取辛

夷花製餅甚佳經幢唐石搨天甯寺石幢書研晉風流晉太康甄見贈吟罷飛

仙過鶴聲樓上頭

秋樹讀書卷

靜者誰知金谷園一身烟外散雞豚讀書滋味無人識坐

卷十一

天

到江南黃葉村

萬卷如神不可期此間風日似西枝樹根真意秋難盡耐

得空村杜甫饑

悟入華嚴世界奇中天若木景離離茶壚寂歷蒼苔畔畧

記人間落葉時

一縷心塵日夜昏三山五嶽轉蓬根何如讀易清溪去介

石長松坐混元

男百祿百禮全校字

受業瑞安洪坤校刊

大鶴山人集

青田端木國瑚鶴田

詩卷十二

峴山湖上卽事

鷗波亭子卽天涯詩句逋逃向此賒芳草獨尋春水徧青
山一笑夕陽斜風帆日夜爭飛鳥蓬鬢江湖坐落花歸思
時時彈一曲驚鴻遼亂響雲沙

贈周南卿是日招遊湖舫

任俠如君亦可憐才憑潮水付流年馬卿四壁春消渴陸
子千金夏擊鮮橘柚恨踰淮北地鷓鴣愁別嶺南天子今
酒債錢塘滿日放西湖六柱船

看荷至孤山飯五柳居

段橋一路碧成灣鏡面無塵遠此間籠水花光欺日月當
樓酒色占湖山林翁鶴料愁將盡宋嫂魚羹話未閒我乞
葛仙池上種丹砂想爲駐紅顏

晚熱作

屋下焚柴向夕曛階前潑水當涼雲移家古穴憐秋蟻在
市虛堂惱夜蚊楊柳視風成阻澗芭蕉與雨斷知聞此時

只算蒲葵子不出城門坐策勲

沈氏水閣

吳興水閣本淒清况復君家枕古城紅蓼界牕秋有點白
荷傾沼夜無聲貧支藥鼎收心毒老徒書檠就眼明坐久
門頭漁唱起一痕微柳月勾橫

飯時率筆荅友謝

囊底糞鹽日搗薑百年道味此刀圭文章世上光風草富
貴人間濁水泥驥骨自收千里馬雄心誰鬪五坊雞閒中
事業君休管不歎莊生物未齊

卷十二

二

徐星溪總戎

慶超

春波沈研圖

虎林將軍徐季海妙有前唐書筆在不隨曹霸嗜丹青枉
使人間說文采將軍雄節歷三山浴日鯨波飲羽還平視
潮頭千弩鐵錢塘春滿海天間湖山乘興如椽捉大字槃
槃照吳嶽能書大壽
字潤尋丈元氣能迴八百春天田一夜攜龍角
昔者但聞松將軍松湘圖相國爲伊犁將軍時
人傳其大虎字謂可鎮崇筆掃虎字
空羽羣壽星之次落研底驪牙獨步無山君蝨魚可知世
無補食肉封侯萬里取白日元雲入握飛去作天山洗兵
雨將軍休沐樂清時天賜東南潮汐池金戈鐵馬西來撻

爲濯春波賦凱詞

時西方逆
回當平定

湯雨生招作消寒會

蟄室藏古春主人舉勝事監厨期夕張僂客例先至方廬
密周遭圓几巧位置八闔儘放齋一筯便盈筍快瀝壽以
觴遲醮罰有解軍法從便宜帥債乞回避連日土囊號列
屋火壚試主人談塞外長茂守冰地邊酒發屠蘇狂風對
鼻俱視此做輕寒聊可供薄醉剪燭命僕更擘紙爲兒戲
畫手龜入戲詩喉魚中餌堂空捲妓衣更倦到鼓吏元冥
破天慳青陽出冬睡夜籤定掛三年矢倏周四謝去匆匆

卷十二

三

勿歲寒以爲志

八日七八會雨生主人分得堂字

詩家有崇坵戟門懸清光登高首人節何用峴山堂主人
愛揖客復此佳期張手製七種羹待爲君子嘗早梅見顏
色春暉盈洞房深筵別古嗜坐閣簾景長自然發心嗅不
熱沈水香得意寡言象爲歡多樂方投壺靜畫戶鳴琴清
夜牀撫境來更駛焉知徂者在八日期百歲穀日期千倉
馬牛漆園吏雞犬淮南王平生齊物論聽此心傍徨主人
持節去尊組成殊鄉結言無遠近音書勞中腸寄詩常山

北酌酒弁山陽何當步兵厨長有老渴羌劈牋賦今夕漏
下未渠央

八日琴尊圖為壽民公子

今夕何夕新月光今日何日白玉堂酒闌上壽金絲張我

公子兮神洋洋七弦七人并七日粉壁照見周郎筆壁有會賓

谷周南卿人日聽壽民公子彈琴詩曾詩世間顧曲有周郎周詩七日七人聽七弦是其在廣州時嶺外鏘

鏘雛鳳鳴曾詩其家老鳳聲鏘鏘等問教此雛鳳凰雁門還作秋風行錢塘潮

落聽瑟瑟太湖夜碧洞庭出壁上看詩琴有聲座中聆琴

詩有情絲桐如此時代更嘉慶乙亥距今道光戊子人日十四年矣羞我老蒼

卷十二

何勿驚人間人日如馬駛五十送人風過耳公子華年一

彈指且停琴聲味琴育人生進道不在此君家忠孝宜孫

子當今

聖人歌南風代解民愠從乃公抱琴且去毋匆匆

西崦看梅同湯雨生壽民奚虛白戴銅士鈕瑤圃

至人冰雪顏長在人間世憶我一見之山中久含睇年年

棲賢菴曠望傷阻滯何期物外春鼓此溪頭柹萬象出荒

寒一目成迢遑欲代契濶言更起擬議例疏侷及九頭開

闢論世繫聲聞及辟支現身說偈諦中有太古初寥泬得

高懸上以降胎仙下以委凡蛻

此西嶠中古梅一段凡五六株枝幹皆橫空倒地渾

身莓苔著滿青山帶其上白水環其下花開極偃蹇之態村人以梅老結子稀屢欲斫之見吾等每年輒置酒彈琴其下稱此爲其村佳勝於是始知愛惜

撫琴白雲裏結想青天際

時壽民作梅花三弄

恐違空谷期限少佳人替

時雨生當代還定陽

冷枝落樵擔暗香襲

村袂佛廬靜黃昏日下松門閉歸去傳畫禪迹遠意相逮

寄我莓苔枝

雨生歸來畫梅滿身著苔點

永結山中契

張瘦山春波話別圖

青燈冷屋對溪橋一夜春波話寂寥總爲文通不解事神

仙少別也魂銷

卷十二

五

西江春水綠如油路近天南半嶺頭
伴詩筒須記得笑

君行作置書郵

題黃生畫

鼠姑玉貌東皇家水仙黃額冰雪葩
春風老梅調鼎手金

庭不死青芝柯四者安排好色相
天上人間各惆悵佛土

莊嚴多寶身一齊將來作供養
處世大夢夢見之畫心同

是黃太癡定有蘧蘧蝴蝶戀
漆園還問大宗師

畫梅樓爲湯雨生雙湖夫人題

晉陵將軍一枝筆東風應律六花出
六花筆陣誰相當雙

湖夫人無與雙太平寫作梅花格梅花喜神月合璧百尺
晴空香卷簾粉本當樓爲主客編衣春夢古羅浮黛點金
焦碧海愁石暈莓苔浮玉頂一齊醮入研屏秋昨記吳西
住同過橫塘路趙王孫管仲姬同心會貌瀟湘枝瀟湘帝
子沒何處古有梅花無別離念今移住西冷道湖上騎驢
好雪後園林共老逋只笑孤山孤劉樊夫婦神仙宅皂莢
花開嘆無色願挈梅樓住十洲春來徧是丹青國將軍將
軍筆有神點筆夫人絕點塵一枝寄我東風句憶到江南

九里春

吳蘭雪同夫人錦秋九里洲看
梅願移家作圖屬題因憶及之

卷十二

六

梅牕琴趣爲雙湖夫人題

月上梅花林東風吹玉琴綠牕人宴坐露下珠簾深梅影
白滿壁琴聲涼在襟當年萼綠仙來自羅浮陰翠羽山中
憶瑤華江上吟更衣良夜後香漏碧沉沉銅餅茶響起能
悟此時心

楊辛甫憶影梅菴

我聞水繪園主人勞六憶不見古辟疆憶此有何極早時
影梅菴已照空中色桃花一時休便是青蕪國有客蒼涼
遊經過重悽惻翠羽夢有聲美人魂無力願影剩一枝荒

江惟水墨歲暮香草心烟外何人識更有碧落廬天寒尋
不得

鶴守菴爲王瘦梅

余昔觀身象鳴鶴其子和鳴鶴老在陰和之其子大好爵
一以縻室外千里駕出身榮辱發何時可休暇松階夜月
空蕙帳秋風罷所以草堂靈北山有詭罵王子東南寶簪
紱不能謝縱有好林園未必容高臥拾蘭寄古歡凭薜得
清課養成警露姿昂有青田價九澤驗聲聞萬物看時化
中孚中心願翰音登可怕莫教鶴守菴門閉烟筠夏

卷十二

七

遊法華山同湯雨生奚虛白戴銅士鈕葦村瑤圃費

曉樓

法華一髻浮層闌伽陵啼鳥山中春南灣溪盡北澗接早
見峯影銜船唇松門一道寺門直天光下覆莓苔新過堂
有例茶鼓響山桃未萼稀遊人香火社靜迹不掃琉璃大
地清心塵蕭梁法界歷幾劫石骨種有青蓮身南山鍾梵
聽不出洞庭龍穴東西鄰欄干拍空倚石斗

山水雲畫出名

天魚鱗耳根蕭爽得詩印蒼弁一角低山中十年此間三
蠟屐薜荔殿脚成車輪授記不聞老佛老題詩但見陳人

陳平生文字作逋客空腹長學僧厨貧安得山泉變春酒
時用東坡句分韻 一念便足煎心神不如相逢但目擊恣情邱壑

存吾真無法說與白雀聽法華又名白雀寺空華開謝何頻頻

羅公洞

天目西窺古弁東練形誰爲識羅公深山魑魅燈檠黑大
地山河藥鼎紅千歲龜鑽由智骨一冬龍閉本聾蟲求仙
只在藏名遠我念羅公得養蒙

碧浪湖上窪尊亭夜坐

碧浪湖中山葉清窪尊亭上水波明月生半嶺松先在露

卷十二

八

下空塘鶴亂鳴此地羣賢三月序當年右相八仙名窪尊亭李適
之故 道場虛影船頭落坐待漁歌月二更

世事

世事如鷗易惹身心亡一事始全真挂瓢自厭風前樹荷
鋪誰忙酒外人非馬公孫休異論猶龍老子漫同塵讀書
今古原糟粕堂下何煩老斲輪

凡常湖放舟回

凡常湖口醉殘霞明月灣頭髮影斜雲氣衣裳飄榭葉水
精眠夢藉荷花儒生宦味鷗波慣仙客鄉心鶴洞賒我愛

仁王山色好石林他日願移家

葉石林
栝蒼人

贈碧浪湖漁家

碧浪湖頭風露寒張仙亭子影團圓
酒杯卽是青荷葉明月呼來白玉盤
兒女笑聲眠鷺裡蓼花香夢釣魚竿
浮家我願長同汝畫出天隨箸笠看

贈金蓋山農家

早課芸田晚樹籬野人情味古鬢眉
山坡竹筍牢相憶門巷桃花慣不知
飯後兒童三尺筆燈前婦女一絢絲
太平好比無懷氏谷口鳴騶笑有誰

卷十二

九

歸安學舍作

官閣焚香過十年烏皮尙戀舊青氈
日長散帙無公事睡起匡床有俸錢
百代看成燈下燼一鄉逃入酒中天
玉河東畔蓮莊北聽唱漁歌月又圓

徐樛亭

璩

續李伯時龍眠山莊圖

樛亭官壽昌憶其鄉龍眠山屬湖州高辰三爲續
李伯時山莊圖圖成乞余詩且久未應之謄書謝
乃作此篇

樛亭居士今龍眠舒州山色桐江前富春春深古梅嶺放

衙日日東風妍家山憶到龍眠麓伯時山莊我家屋七百
年前圖畫傳東坡書尾人人讀入山信足漁樵熟先世經
遊如在目東坡書李伯時山莊後使後來入山者信足而
行如見所夢如悟前世嘗見居士作華嚴相皆
以意造而東西龍脊踏青天翠氣蜿蜒雲起伏世上何獨
龍眠山天公喜隱招人問秋林葉缺鬣尾露便有秀氣當
柴闌此如作畫圖華鬘青山佛頭螺髻鬢虛空元不著粉
本松羅自老山高閒又如作書噴書奴烟墨徒飽乾鼠鬣
天機宴坐自然到不覺萬象環神廬龍眠此間如可呼吳
興好手空臨摹七百年後各意造人間復見山莊圖壽昌

卷十二

十一

仙縣埽東壁留客看山到江北鶴書聞道天台招海月又
挂烟中席詩逋老向水晶宮笑我生涯倚酒筒石門布水
無人畫想到龍眠秋樹紅

楊北樵明府黃葉村人圖

讀書憶昔黃葉村黃葉滿林深閉門開門原是秋風候萬
物人間誰宿留濟物長懷出世心坐閱流光此宇宙浮玉
峯前蘆荻閒扁舟泊到釣魚灣窪樽醮客空明裡不斷菱
歌日往還

溫州護國寺山門火光出地掘得石佛刻陳鏡帆索

賦詩卻寄

我昔觀大象元爲道至尊儒佛在天地有無同一根吾儒

天布精我佛地歸魂有無天地後金石代人言我居雪上

久易堂薶晨昏鏡岷書說及易堂得石有石奇理剖吾道光朝暎佛

氏本夜明覆燭地下盆諸法說無相沒入祇陀園何時石

炬見怪事驚山門萬人碑箋發千人香火奔佛刻旁注一萬人同造後

五百年有福福慧閣五百世界如風幡佛無堅牢象何苦

文字煩謂此事烏有吾石窺混元余太鶴洞天石像混元峯可知微塵

義皆本大生論誰持有無諦探之崑崙源蜃江共枯嶺邂

卷十二

迢遼高軒當看雨花夕一載山中樽

鋤經圖

不爲明經仕歸耕樂有餘古人相亞旅吾道未邱墟鵲眼

難穿研豚蹄易滿車無機漢陰叟可與比鄰居

碧山舊盟圖鄉公一柱張公開泰等十八

塵中息駕餅三事物外題襟送一身幾番青山供煮茗岩

泉都爲薜蘿人

遊卞山黃龍洞同奚虛白汪叔明戴銅士

有客談金井奇怪說未見十年驅我夢夜夜落蒼卞快今

得遊侶秋及袷衣便黃龍據窟宅隱秘不欲見突兀太湖
西陰雨溜荒殿頽崖試一窺天貌劃然變其下乃九幽赤
立萬石戰人謂洞底通太湖接洞庭山鬼物橫相要白日乘人倦失勢

膚寸間世事駭崩電炎凜爭百步氣候隔對面生平償此

奇頓使金軀賤此當雷螫淵龍睡喜深善若遭連鼓天小

墜卽有譴山中鶴糧田莫作歸歟戀卽栗響且休無事踏

周徧捫高手繭麤洞遠目精旋庶慰臥遊人持爲垂堂諺

時叔明賸痛臥舟中不及登

秋後苦熱和松聲館主人

卷十二

三

吳山涼風客及早臨高秋羲和司大火到夕不肯收寄居

子胥宮江影鷗夷浮炎潮日夜漲白汗真珠流雨工匿不

出黃塵生綠疇天竺古仙人低眉爲我愁吳中西樓與海會寺禱雨道場

燈火日夜相對薄林罷清蔭渴午無鳴鳩桂楫不可理夢斷西湖

頭何幸松聲館追作南皮遊珍簞妙卻暑吟嘯多匹儔烏

雲閣涼雨風响鳴簾鉤不覺酒盃清炎官皆罷休寒暄且

日間倏若星一周觸熱成昨事回首良悠悠夜來檐溜急

臥聽西峯樓

丁竹坪焚香省過齋

鑪香一几淨檢點過來心長拂暑無垢虛簾雲有陰讀書
茗水瀾攜酒竹枝深余亦索居久相思起遠尋

題曾子琳五真圖

午潮嚙枕秋聲作睡起吳山視寥廓魚龍世界百不真笑
注長江人孤酌空華一卷日周旋鬼目仙眉鏡裡緣滿院
木犀聞鼻觀現身原是辟支禪

牽牛花

一點柔藍霧歷天秋新籬角見娟娟銀餅早露蟾蜍下金
井荒苔絡緯前清晝光陰紅洗醜黃昏情思碧纏綿匏瓜
無匹年年怨補屋牽蘿事惘然

卷十二

三

孫華海月湖琴舫

西頭明月湖半有孤山影拏舟置我琴夜色一潭靜泠泠
鼓水仙觀此何光景鶴語青天高露下萬松頂衣裳冷風
荷恍到無人境爲憶金沙泉平臺啜虛茗

定山弔羅江東墓

定山潮勢折錢塘來弔江東墓渺茫昭諫文章排二姓秀
才名字壓三唐黃河世尙澄清易青史人多鑄錯忙落葉
滿天帆影破西風愁殺錦衣鄉

西湖鏡影圖爲成蘭生太守題

西湖大明鏡闔古在人境中有天目窺坐見古人影白蘇
兩天人烟水留百頃明鏡翳生之利失萬家井今覩使君
來西湖好簿領吳山明鏡臺諸岫早延頸葑雲一掃空放
舸得清景今影對古人又見冰壺靜何用夸芍陂何用侈
清潁春波潮海寬我爲金牛請

湯雨生送西湖蓴菜却寄

西湖水活雲花鮮一帆吹送浮玉天碧罌春夢夢不到佳
人錦字心綿綿恰逢酒奚笑拍肩阿銅清齋愁逃禪

奚虛白戴

卷十二

西

銅士適
在坐

此間蔬供不浪設櫻桃瀉椀紅勻圓山中好蕨拳
水上好荷錢蕨拳未放紫含烟荷錢未闌青浮川水晶宮
底調翠釜一筋可下天龍涎君今西湖梅鶴仙全家同飲
藥玉船吳中鹽豉太儉父千星輸與秋風前碧浪湖頭真
可憐十年不見蓴絲牽令我相思到西子月明多廢高牕
眠我報君詩君粲然還須寄我青苔篇

鍾馗夜奕圖

終南老髯欺鬼愚食鬼還與鬼爲徒生平失著長安第綠
衣不戒羣擲揄鬼中作王樂莫樂不管雙九日跳躍畫枰

閒捉鬼圍棋月黑一聲棋子落鬼膝在地鬼眼驚指隨舌
弄聲譽譽老髯刺天鼻孔笑皤腹自謂皆甲兵竹燈熒熒
翳如漆鬼算瞞人暗中出髯乎髯乎慎勿疎耽有旁觀彼
同室人間成敗多紛紛猛虎常困狐狸羣樵柯一爛便仙
去醉盡蒲觴胡不聞

杜曙堂竹中抱膝圖

墨豬豢肥不割肉瘦上吟髭面蒼鵠篋籥主人文湖州送
與西風一林竹竹中抱膝自夷猶世事從他肉食謀金華
不煮松花石一笑卞陽已六秋

卷十二

流觀滄海圖

五

蹈海清風一魯連流觀滄海興悠然桑田變後原無地粟
里歸來自有天五百田橫能得土三千徐福詭求仙此中
絕勝桃源路汨沒烟波好刺船

靜夜聞漁歌

滄浪漁子古元真燈下聞歌雪上春漸近自然絲竹肉全
忘相釋影形神江湖入夢追涼月天地同遊撫舊塵歸老
易堂期不遠樵山無力結溪鄰

聞石笥金陵北上御寄

南轅北轍計全非
橐筆如君心事違
白下千峯難寄食
黃河一雁早添衣
長尋歸路無芳草
老送征人是落暉
我昔淮王招隱客
小山桂樹舊來稀

聞趙灌松先生孫已成立喜作

我憶東嘉趙紫芝
風人多刺是吾師
愛才宿草心猶熱
遺

命孤雛望若絲
輕薄莫成三絕咒

先生同鄉月旦有士訕之謂灌松三絕詩絕醫

絕人問其

三日丁絕聰明當繼四靈詩
過車腹痛橋頭路
記昔書名

上學時

孫三歲學識字屬余以紅箋書其名壁上

寄徐鹿苑迪惠

卷十二

六

卅年把臂定行藏
少讀春秋老已忘
記異宋都逢退鷁效
尤鄭伯到牽牛
溜澗世易滄清濁
龜筮人難別短長
我病疏慵君婞直
入林求侶早思量

城隍山晚步

謫向人間百慮收
耽從物外看杭州
客評書價青山暮
僧洗茶瓶碧澗秋
明月西來雙桂樹
大江東去一沙鷗
乾坤著我真毫末
休話風聲木葉愁

歸宿石門

洞天深坐露華明
薜荔岩扉隔世情
不寐道人貪月色
無

絃流水和松聲空山度
鞞成長往古壁藏書返太清
警咳
久同猿鶴慣雲霞
安問舊題名

混元峯壁真人立像

天風衣袖壁痕吹玉手
拈毫獨立時野馬塵埃看委轡
神

仙日月代飛尺長松露下研周易
高石霞分叱葉師俗稱葉法

善像此地千年發混沌青田歸鶴老能知

釣緝

從今一語破天人萬事不如溪頭身
開投明月亂昏夜錯
贈寶刀生風塵千歲誰量獨鶴壽
九淵自睡驪龍春乾坤

卷十二

七

舒卷日在手付此悠悠閒釣緝

東寶山僧寺

凌雲一笑雙峯收寺朝凌雲山
寶山撒手真自由白雞啼烟竹

牕曙蒼鼠飲月松瓢秋畫本獨臨山
北苑佛門長記水西

流芋魁飯客雪能飽東郭先生行且休

蕭陽山居

嶺頭排雁去灣環百叠梯田到此間
鷓鴣確無人滿黃葉牛

闌一路向青山村藏棚影瓜壺熟屋
閉機聲未却閒我種

松楸仙隱在白雲長爲叩柴闥樸山府君葬蕭陽烏石岡

逢野人閒話

野客相逢各語晴，共無居處與生平。
溪雲不自知踪跡，山鳥何嘗道姓名。
衣影日斜林葉細，屐痕沙淺瀑泉清。
葛天氏後民非遠，只在人間寡送迎。

小左村

三溪深入一溪幽，遠有人家古姓邱。
白石繞灘行作筏，青杉圍谷立成樓。
高田得雨難雷足，小犢扶犁亂轉頭。
老教兒耕長勝讀，破書無計比良疇。

登華蓋山

卷十二

六

萬家山郭俯晴曛，霞頂來朝華蓋君。
木落吹臺千澗出，潮生孤嶼一江分。
海人漁網烟中見，仙客樵歌月下聞。
地肺東南秋氣濶，空亭帆葉白紛紛。

尋太玉洞天

華蓋天青古道林，白雲行迹屐邊尋。
篆昏洞壁龍藏氣，丹老山墟鶴養心。
秋樹徧教生綠髮，夕陽留爲鑄黃金。
鹿皮人去岩苔冷，長有松風靜夜吟。

夜泊桐廬

瀧口帆低薄暮雲，灘聲流靜水云分。
江城細雨燈先見，山

郭寒潮笛更聞此日披裘誰釣客當年采藥是桐君赤亭
影入楓林冷落葉篷牕聽夜分

靈隱佛閣夜坐

鷲嶺龍宮夜象清中宵無夢駐層城鐘鳴猿鳥知人定木
落樓臺見月行澗水盡隨空性冷林花還放慧香明諸天
靜照跏趺影覺到山河露點輕

寒夜過錢山漾懷榆樓

年來鄉夢繫吳興一夜錢山浪觸冰沙地月明團雁戶湖
天霜冷瘦魚簪鬢思東老三年酒盤想秋娘十月菱欲傍

卷十二

九

城南詩榻去夜深愁少柁樓燈

書林西溪先生讀史比事後代哭

劍斷龍泉寸寸餘龍泉百室奈何渠山川如故徒埋骨天
地無情莫著書先生著讀史比事龍泉典海邑教行成長

疊

宦海至今奉為師法

官身墨守待公輸

有以隙假甯海去官事書讀史比事後盡機械攻之

留樣月冷西溪水忍看溪堂蕙帳虛

贈詩僧妙觀子

少日靈岩若演禽老時雪水倦行吟三錢祿命輕如紙百
衲衣裳破似琴總管廟荒愁寄宿廣文官冷笑知音春頭

幾日杯無物白想鬢眉雪夜深

春頭看幾日又白
一莖鬢妙觀詩

易堂前秋芭蕉

玉樹人前綠幾叢秋心抽盡未曾紅
千張故紙收青女一卷靈書付碧翁
下若清風閒酒瓊洞庭涼雨老詩筒
年年伴汝墻頭影瘦柏龍胡夕照中

雪上易堂應 召作

儒官行且老讀易白蘋洲

帝有萬年慮臣無一旦謀
詔書行驛馬祖道出江鷗
期及長安日黃山禁樹秋

卷十二

三

旌召虞人賤輪徵處士
虛才踈違世用力薄詣公車
帝重蒼生問臣輕黃石書
何時塞明詔歸守卞山廬

沙河于役

畿輔風霜客早嘗緇塵染盡素衣裳
荒原牧馬難春草古寺啼鴉易夕陽
西隔太行邊雪早東連孤竹朔雲長
蕭蕭一夜沙河宿天壽山前木葉涼

西山道中同徐鹿苑

桑乾河影白沙微霜落西山葉亂飛
夜月徙空鴻雁戶秋

風吹長駱駝衣詩人蓆帽輕飄路酒客蘆簾重壓扉天巧
數多人事累行藏真與素心違

潘葵長示湖北詩草

巫山帆落沔江清又聽春潮白下城夢寐荒唐生楚席文
章酸苦學吳羹登樓王粲終無主投轄陳遵老有名醉管
時時濕烟雨幽蘭題罷冷猿鳴

能以書法
畫蘭竹

高齋

高齋閱世罷枯枿寒夜觀身對古城火箸淺深壚冷煖風
燈升降屋昏明翻書鳥影虛何有煮硃蟲聲暗自生萬事
無心前去好人間歧路底須爭

卷十二

三

胡竹村農部

培壘

以七月五日祀鄭司農于京師萬

柳堂乃司農生日也屬賦詩

野堂號萬柳宿昔常經過不見廉孟子空聞雨打荷益都
屬在邇高會鴻辭科朝芳容易歇佛地笑拈花幸來胡農
部學禮今名家推尋高密傳逸事興嘆嗟降生日奎豕

戊戌

日厄歲非龍蛇敬同庚子例義起無人瑕應聲集朝彥釋

菜來參差一朝通德門直轄東華車千年書帶草接跡生
鑿坡禮堂萬柳陰學市成婆娑其時屬流火薦及七月瓜

讀書此北面吾道歸包羅萬物務根本徒事枝葉那西風
萬條烟其奈秋堂何人生易夕照此會誰人多願从祭酒
末一餒朱顏配

題潘星齋玉山遊冊

夢遊天姥何曾假身在廬山未是真我想江南玉峯頂萬
梅花壓草堂春

此間舊有耽吟客來向長安笑口開日日馬鞍山下路教
人詩思覓蒼苔

魏笛生比部

茂林

屬題薇垣傑值圖

卷十二

三

星辰儼周廬豹值今仙班殿頭視草罷月出蓬萊山觀書
臨玉牖視聽非人問燭光銀漢冷意味此高閒先生晉風
流正始無人攀改官白雲司玉律一手刪相士黃金臺拾
秀遺茅菅生平靜者慮厭看朱輪殷回心向東掖清漏玉
河灣畫圖十年憶尙此好容顏鯁生謬後進省例百不嫺
坐忘江湖身魚籥九重關草堂昨夜夢已自具區還
堂人生何浮沉隨我頭毛斑
感自記觀
河面賦語天光容野性金籠
德書
上州

開白鸚作詩進侍者相視毋相訕

張淵甫

辰

靜觀齋四圖

古人殊世代深謝門前車塵迹一以靜春風盈我書此中
牙在獨流雲觀太虛却掃讀書

寂寂久無况念我素心者琴停夕露深落葉秋堂下時時
此空山歎息靈修寡停琴佇友

我愛牧犢子春風了無慮但隨我犢行自有平郊路夕陽
又夕陽眺首青山暮春郊放牧

古來樹人道山中種樹書不貪枝葉長無窮觀本初山人
此抱膝心靜物權輿山居種樹

題文休承石湖畫卷

卷十二

三

文家畫筆江南格愛寫青山調遠客東華歇馬午塵高坐
展晴牕重嘆息明媚湖光指石湖清空倒影見浮圖綠楊
吹絮紅桃片如此春風百慮無布帆遠去垂虹渡肩輿獨
向招提路山人麈尾萬松枝掃石談元足朝暮吁嗟乎石
湖仙人今已仙有峯縹緲是空烟憐渠招隱丹青在時憶
松陵舊泊船

潘絨庭借書圖

生平讀書貪且愚賣田買書稱膏腴便我笥顧家厨經
神羽化今子虛人間巧事借書圖潘郎二十年有餘家傳

鼎食曳玉裾出遊果擲香滿車下簾乃爾勤研朱真味滴
滴銀蟾蜍窺園不窺董仲舒讀而不讀王仲符神仙字食
憐蠹魚蟬腹欲飽他人儲有來一遇洞青臚蚌胎吸盡江
海枯郎君且待觀石渠家人筐篋良區區麗眉書客闖鴻
都東塗西抹人稱姝一瓶一瓶羣沾濡家雞野鷺厭愛殊
天公貨錢不可逋瀛洲賭玉長時輸今願借書忙借予不
過駒隙煩長鬢此物于人非金珠慨當以慷鄰乞諸少時
失計悔東隅賣書買田歸桑榆元枵枵然當歲除吁嗟胡
不承權輿

卷十二

十四

味無味齋同林石笥

含香歲歲漢明光自古相憐總國殤科目出身僧度牒文
章應俗妓衣裳夢魚豈厭江湖遠學馬何愁道路長藥在
人間能不死一燈寒夜讀歸藏

寄洪序堂 守彙 甯陵

詩書法律豈身謀各有蒼生分內愁處世不祥金躍冶濟
人無力羽沉舟誰懷寶母投虛牝自繫匏官坐贅疣一歲
便求鵠職去民間難說是中州

住寄園紫藤精舍有作

朝隱頻年未放還寄園今寄我清閒看花西寺逢三市

土地

廟每三日花市與寄園止隔一堵

視草東垣隔八班

每八日一詣中書直廬

官焙茶

香人短榻佛燈書味夜空山

中供觀音佛龕

紫藤老惜生涯薄每

倚春風借酒顏

世事

世事看他昨暮兒但憑尺腹度時宜面良容裡兼生熟體
妙人前半點癡讓水貪泉隨便酌愚公聳叟任能爲低高
此日中庸法不道天邊成嶮巖

示少年同學

卷十二

五

挾策亡羊道路新整車今試九衢塵客身燕燕花沾羽世
味猩猩酒入脣流品自清心賞濁衣裝漸富腹書貧公卿
只看頭顱黑孰是人間事業真

寒歲藤舍

六合蘧廬靜天寒積候深書燈存夜氣牕樹抱冬心厚雪
牀前履高山壁上琴閉門車轍少閒謝往來今

葉去病敬

屬書啄木菴卽題後送其歸

獨抱遺經去閉關深樹林更無人剝啄時聽此山禽

京江泛月圖

金焦沒何處夜舫新潮上只有月蒼茫空江聞笛響

潘紱庭嘆落花

佳人不識秋獨自怨花落西枝共一家莫道天公薄

秋榜星齋

得隳

潘星齋桃花畫扇

便面桃花見一枝牽人柳絮又絲絲阿儂便是無情甚也
爲東風立少時

潘紱庭梅花卷子

百花頭上雪初晴青子人間不願成怪底東風貪玉面畧

卷十二

三

無酸味到和羹

男百祿百禮全校字

受業瑞安洪坤校刊

大鶴山人集

青田端木國瑚鶴田

詩卷十三

題揚州汪孝子一元事後

古人首孝行以之登賢書束修士在家名達鄉大夫孝子
越國胄占籍今江都自求祿養親舍學何有諸名德世清
白所志良自殊力學就鄉舉將為公家儲倉卒感父病夜
奔荆棘塗歸及父目瞑終天爭須更哀哀父去兒無有同
母雛母乃又去兒不如反哺烏掩棺驚及衣掩坎鬻及廬

卷十三

一

禮在敢毀生道傷神已徂一身孝養竭賫志歸黃墟人倫
冠三族獨行旌鄉閭子孫根本大世克廊廟儒子中儒清林傳
名映淮海行者多躊躇作詩當里謳異代興頑愚

河間漢君子館輓為苗仙露學植作

驅車有客河間道抱得殘經映衰草禮士賢王漢古風昔
人已往今人老傳詩博士毛公里築館猶聞說君子花甌
兩字墮荒郊拾出蒼苔是誰氏苗君苗君生此間蟲魚事
業寸心開古文日夜磨風雨芻玉駒場寶一斑黃金臺摧
空幽燕荒唐陳事都可憐苦求東海童男藥工數西園姪

女錢好賢誰識眞儒者後來剩有開元瓦

獻廟開元瓦

蒼茫回

首日華宮客到斜陽多駐馬苗君手拓細臨牕土質霜華
墨瀋濃金絲魯壁無人得白首葩經憶此邦

題潘絨庭梧牕小影

花開酒熟長安市一卷冰詞嚼宮徵碧梧涼影到牕紗獨
坐無言澹如此神仙翩翩瓊樹枝人間何物繫相思玉琴
弄罷希聲在略記靈岩澗響時

題畫

石杉崇岫春水柳澄潭夏行歌不見人山深日高臥

卷十三

二

凌厚堂

壑

注經圖

二十箋書富等身老生閣筆嘆逡巡姓名何用求驚座著
述原來到積薪載酒元亭無俗客談經粉閣有傳人青箱
我與君家舊曾憶盤溪一問津

謂其父
泊齋

黃香鐵釧 松下談元圖

山中松樹根契結山中友囊括經世心在道谷能受萬事
逃虛空虛空原落有天然脫支離獨是支離叟微微石上
風譚塵不在手至味忽無言與出天人口一笑聊復然每
至斜陽後白雲流在天對我松醪酒

清涼居士靈隱翠微亭題名沈聽篁錄太史屬賦

與十二年清涼居士韓世忠因過靈隱登覽形

心得舊基建新亭榜曰翠微以為游息之所待好

事者三月五日男彥直書四十八字道光戊子杭

州僧六舟達受搜訪得之

黃天蕩金山頂西湖頭靈鷲嶺將軍居士劃兩身今日新

亭意何肯

忠武意謂過江得
晉舊基建宋新亭

日日騎驢息翠微池陽塵土

尙依稀

孫字台靈隱志謂岳武穆于池州建有翠微亭忠
武仍其名蓋隱痛之也塵土經年武穆池州翠微

亭

詩伏犀泉洗心頭熱家國清涼事已非誰人痛飲黃龍酒

卷十三

誰人不畏東牕口英雄裏草自甘心平地難堪莫須有形

勝飛來醉一峯

翠微亭在飛來峯
忠武招武穆也

飛來有我對心胸紹興

二六春三月地下人間有子从

十二年三月武
穆死七旬日

命男彥直

書崖訖千鈞力挽平原筆

字大小同
顏家廟碑

八十斤椎共岳家韓

王心事我能說昔過江晉建康今過江宋錢唐昔日新亭

泣今日新亭笑將軍不居士湖上又誰吊六百年來好事

人江山軍國復重陳金人死畏韓如虎居士如韓又避秦

張亨甫

際亮

索題博陵登眺圖卽送其南旋

言登博陵原望古多苦心朔風下木葉雲去長河陰高鳴

出四海烟蘿詎見尋發爲黃鶴哀中路需我襟文豹有時
見歸息南山岑念君瓊樹枝毋爲霜露侵

蘇氏亦園看芍藥卽題蘭汀主人園圖

蘇園半海子海子春無邊亦園又割半乃出東堂偏路曲
一百弓百弓芳草連廊回一百榭百榭新蘿縣主人休沐
罷愛客心如煎謂此芍藥朝又近南薰天已洗好酒盞當
來花神仙開堂竟揖客晶簾爲我舉平欄綠萬亞壓地紅
雲解花氣濃日午四匝黃蜂喧笑我寄園西老籐纓絡牽
豐臺走看花葉翳齊空烟花擔散入市俱買青銅錢花酒

卷十三

四

此無價狂飲何不然玉山高會始醉倒期年年主人又多
事示我皇華篇皇華是勞役花日胡舍旃林亭且周覽圖
畫當流傳作詩留海子記我芍藥緣亦園與我詩長此勿
棄捐

徐星伯 松 蕭寺讀書圖

老劫人間剩幾才空山還憶讀書臺天公乞與源頭活看

過黃河九曲來

讀書青山如舊在題詩白首幾人存

作畫居琴塢題詩吳
蘭雪陸祁生宋于庭

及予而已而琴塢早死
蘭雪祁生逝又作故矣

回從初地挑燈坐落葉無聲味到

根

藤陰懷舊圖

卽徐青藤屋

天池古屋分明在眼底青藤六月垂留與詩人濃過夏一
聽雷雨黑龍枝

越中諸子勞相問歲暮懷人木葉摧我待嵇山尋賀老不
教空棹酒船回

燕東郎目

燕都風俗舊田盤道識盧龍井落寒栲栳織成村婦賣駱
駝行過市兒看百年瓦缶歌烏易一旦金臺買駿難客夏

卷十三

五

備裘冬備葛西風愁煞古桑乾

董仲常在山西邀其北遊不至旋南歸却寄

遊子光陰仗馬蹄白雲又去太行西燕都風月原鄰趙魯
國山川半入齊歌哭漫誇詞賦健饑寒長覺道途迷我歸
早有移文笑鶴怨芝田識故谿

真廬

男兒百態畫難如苦向長安索米居機杼未工絲學整斧
斤無匠木憐樗憎言要路投人刺諱說窮途報婦書爲我
歸來飯黃犢空山長影息真廬

送姚平泉

光晉歸里

送君一棹返臨平
潞水詩帆霜氣清
白髮易生同螺贏
靑山難辨况公卿
入林尙作依人計
誓墓安忘去國情
我比楊雄笑投閣
著書京洛老無成

晤包慎伯

世臣

白璧黃金擲已多
廬山難塞口懸河
論高目具英雄記
才大心存將相科
唐世阿衡今已矣
漢家方朔昔如何
看余匣底青萍器
磨作鍼芒付釣蓑

嚴崑圃幽篁獨坐圖

卷十三

六

琅琅三百竿
風前戛修玉
人間萬戶侯
不敵員當谷
此中長嘯復彈琴
水響空山鶴語林
輞川月照無人到
竹繞烏墩獨夜心

觀海圖

黃塵四幕長安市
車聲流水日百里
世事茫茫坐井觀
蟄向元冥問何底
眼明見此觀海圖
風帆不到天平鋪
仙人招手三山外
浩蕩乾坤酒一壺

戲題洪武寶鈔

蒼帝造字粟如雨
不信人間字難煮
書生敵國富滿家
十

萬錢刀一方紙錢乎紙乎灰可然使鬼原同鬼使錢孝陵
樹老烏銜盡爲向司農問寶泉

法源寺見題壁詩爲作

語訴秋鶯字縮蛇少年落薄住京華伎樓有夢難尋曲僧
寺無錢易看花文士壇場聞咳唾酒人歲月賤泥沙看君
拂面塵還滿目斷屠黎壁上紗

自下斜街步便門外至白雲觀

偷閒信步出城阿便有烟光近薜蘿客舍長看黃葉早帝
鄉深覺白雲多瘦牀八尺神仙化龜石三朝歲月訛故事

卷十三

七

都人說燕九紅塵春滿羽車過

得家鄉書率寄

富貴何心逐電光窮愁長此著書忙誰驅形影天邊去只
欠聲名海上藏向我親朋疑隔世看人兒女夢還鄉待歸
算有青山在先問山中辟穀方

憶汪小米湖樓

松聲池館妙詩牌簾捲南屏鏡乍指倚枕落花成短夢憑
闌飛鳥赴長懷著書京洛風塵老圖句湖山主客佳幾日
扁舟便東下不教尊俎隔天涯

黃樹齋

晉滋

徐廉峯

寶善

招同人江亭消夏

陶夏城南墅虛亭悅清曠炎暑困周廬憩此神一放好客
今黃徐折簡走輩行一時披襟人憑欄獲楚望長日葛衣
裳重挾六月纒濯然頭髮輕真坐江亭上青蘆平百頃時
見漁家狀風鳴蘆際吹響有泊鷗浪不覺江南客歸心看
五兩粉蝶帶遙天雲影疊空嶂西山物外羣盡與酒人向
誰言河朔飲直接聊筒釀天長朱火移日共蒲葵忘我生
病草元清興時或妨交臂失此會曩遊素心尙聊觀此日
圖一和彼時唱爲面江亭前青山間無恙

卷十三

八

蔡樹百光祿

蕙清

竹屋對牀圖

慈竹春陰作秋雨春陰寂寂土秋雨淒淒苦竹枝孝感一
枝枯屋頭啼老烏牀頭啼孤雛是有同根共命節節不斷
青肌膚今爲弟兄蔡昔爲弟兄蘇阿弟爲母死阿兄爲弟
廢朝餉不忍弟死看孝竹生理日在目竹間書帳春陰屋
如舊對床宿風風雨雨夢來時屋中人老黃昏哭

山谷詩孫爲黃香鏡作

涪翁七字詩短章及絕句天授造化鑪老鐵出孤鑄切峯
咀方車多有羽人駐恒河法性邊獨息得香樹一時長帽

翁敢嘆不敢怒余于有宋家羶蟻殊所慕與翁共酸鹹相
非食肉故西江詩派存圖位亦無數當年退聽堂燈火又
誰炷爲其鼻祖緣能與耳孫過橫橫香餠翁國寶棄在路
詩皆戰勝餘脫筆馳露布粵網生鐵成鯨鱷字吞吐山谷
老衣鉢竟是何年付黃州一降幡乞我把不住連年京師
遊艱苦獲竒趣乃祖味青奴冰雪夏來素乃孫聘海棠嘆
及春遲暮香錢以聘海棠
室屬余書額出門大江橫絕代凌波步詩家
祖師印一笑無人顧

陳眉公江南秋長卷爲那蘭汀賦

卷十三

九

有人昔寫江南春春好無過桃花津何人又寫江南秋秋
好無過蘼葉洲六年未返江南道春花秋葉令人老披圖
江色共天來青山到眼堪銜孟霞光斷處烟光起千里吳
頭至楚尾半江黃葉秋風乾半江紅葉秋霜寒此中畧記
吳西路瓜洲船泊松陵渡猿聲樓閣夕揚山雁影檣帆秋
雨灣全家舊寄吳西住蟹今漁莊識閒趣風烟塞北望江
南重閱流光便不堪連年莫道江南好吳田歲旱無青草
稻糧計薄酒價高雁鴻聲苦詩夢勞何人寫此傷心碧白
下千峯已在昔燕子磯頭秋燕飛鱸香亭上秋鱸肥葦花

入夜寒如此吳儂尊味吾知矣頑仙不解世人愁頑仙卷上眉公
印春歸奈此江南秋

都溪蓮華橋禦賊爲李氏作

李名嘉雋禦獠賊趙金隴黨

都溪之溪蓮華橋者李出唐神堯春陵賊退官吏賀乃
今橋截江華猺江華猺賊如豕突九疑東下爭一髮蓮灣
仙李斬長竿聚族橋頭禦倉卒賊來驚見氣如雲不料埋
伏官家軍折走新田賊避道都溪晴豁無塵氛橋乎蟬螻
莫敢指津梁拒難今有此保守桑麻百十村一李姓名動
天子君不見燕人翼德當陽橋一矛瞋目能走曹又不見
潼關失守哥舒翰虜騎寸艸無留難可知捍禦在義勇此
橋如山屹不動李平李平蓮花香都溪溪水千年長

卷十三

汪西谷先生紅木軒名山篆冊

蘆刀刻瘦黃山骨天日晴光洞豪髮長臥峯頭老布衣自稱

黃山老布衣 硃砂泉印龍潭月世世江南紅木軒清詞瀟灑出

仙源天都瞥見飛鴻譜誰似文梁好事孫孫孟慈

巖厚民杰書福樓搨書圖

福地鄉媿分半席从芸臺相國師鄉媿仙館最久畫圖今見列仙來早窺

老子藏書室高問羲皇造字臺百氏吹毛彌孔穴六經掃

葉淨根菱湖樓第一君家事謂詁經精舍第一樓借到南山作壽杯

年七十餘矣

憶奚氏榆蔭樓却寄

方屏山色碧沈沈映水書帷向夕深睡起漁歌生枕上詩

成湖月到樓心酒人事業憐醯甕奚釀酒樓下堆罇缶滿騷客因緣

感藁砧厲樊榭納姬人月上在此樓昔鮑氏今奚氏百年中詩人往來吳興多與此樓有緣今奚氏為詩主

人莫歎櫛榆都老去青錢難買舊光陰

寄園藤舍作

百年九日擲西東少壯心塵老去空蹈海魯連黃鶴子信

卷十三

十一

天杜甫白鳧翁時無被褐誰懷玉物不歸原自轉蓬月落

雞前九衢影書廬長守夜燈紅

兩章節婦詩吳縣章氏兄弟俦 侍婦王氏潘氏

人家有婦節其始家不祿獨于太平世天地此貞木苦心

濟人倫門戶理必復懷清兩慈氏陰見孤生竹雙枝一以

摧獨根百以續今看吳門章幾葉成國族

魏英姑斷指圖錢唐魏 倉伯女

蟬竦在東莫敢指有如曝日同穴死金刀一斷哭長年玉

面燈前小女子議禮黃合堇李女英姑姓魏氏法華山石

赤珉堅捨我心丹爲作諫

我女慈以二
十三歲守節

鐵耕樓爲黃香鐵作卽送其還鄉赴潮陽廣文任

老鐵昔年呼老石終歲石田耕不得三間破屋潰金隄

屋爲

海塘
决沒止水補天總無力一朝老石作老鐵鐵耕憑仗三寸

筆書帷連墻字造樓竟有老鐵居上頭批風抹月百不休

泰山兀坐輕陽侯鐵耕又易長安粟衣褐誰人識抱玉神

農之言日踵門久矣吾徒一木鐸八千路送君潮陽廣文

飯香真鐵香笑余歸去湖田沒老鶴中途隻影涼

香鐵歸
潮陽余

去湖州校官七載今歸無
此良田視香鐵爲登仙矣

卷十三

十三

童子釣遊圖蔣丹林夫子屬賦

眼底不覺有天池人間世上大宗師春風仙髻吹轉綠
遊恍見兒童時青松已成蓋碧柳還垂絲屑朱齒貝魚竿
持問兒嘻嘻道翁誰老翁無機人忘機小兒有機天忘機
魚樂焉知子非我人天到此無是非滄浪聽孺子柱下觀
嬰兒至人一息道豁谷得意不與扶搖期暮春長莞爾吾
黨真歸歟當時楊尹或未解此日韓公安得知

汪孟慈黃樹齋招人龍樹寺作九日會

託迹在朝野結念生林邱華節昔已謝素晨今復游白露

郊阜匝蒼烟城郭浮物賞得閒暇心期忘阻修所適盡禪窟焉知是皇州客星天上老龍樹人間秋把菊襲幽袂送雁遲高樓浮雲道里濶落葉時代適舊山待息駕睠焉懷匹儔

寄書上易堂

書上春風別幾巡誤他猿鳥說蒲輪茂陵首笑談封禪宣室心慚問鬼神萬紙漫書綸閣樣一燈長夢草堂真還山好索梅花笑耐得東華壓帽塵

送杜尺莊廌還會稽

卷十三

十三

神交握手問居諸望古心長歲月餘草木變衰雙墜鬢山川重秀一歸驢論文海內清樽在招隱天涯老屋除余將返青田料繼陽明勤講學臥龍秋色滿書廬

書邸壁

百年鼎鼎去何求老守長安習貴游塵土飽爲傳舍長光陰忙付置書郵東南樂國魚千里今古才人貉一邱誰笑藍田王給事柴門空鎖又經秋

九日吳紅生

寶晉

出壬辰閏九月展重陽卷次其大

父官湖北廉使丙子閏九月詩韻

百年難得重陽閏莫道人生歲月閒師友酒鎗新白髮祖
孫詩研舊青山楚江菊蕊星槎畔燕地蘆花水閣間細數
茱萸添九九金庭一爲叩元關

李海帆

宗傳

峨嵋積雪圖

蜀西萬古雪高在峨嵋顛昨有龍眠客江聲拂袖前獨携
太白句呼酒酌青天此事蘇髯後風流六百年

李海帆凌雲載酒圖

青衣渡頭夜載酒片帆早入凌雲口凌雲圖幃列峯開日
照空江拍銅斗丹青木落猿嘯秋江繞嘉陵舊驛樓蜀天
連壁雲長在夢聽松濤出峽舟

卷十三

西

李海帆峨邊擒蠻圖

安邊心靜六韜嫻耻看山花血染殷一樣書生大藤峽不
教銅鼓鑄征蠻

海浣且園夜同主人

野雀隨秋步園蜂伴夜游亭空山自到酒罷月還留談侶
皆前定詩家不外求更沉臨苑路車過聽潮流

啄木

啄木搜林蠹淘河竭澤漁無心求布穀不肯學春鉏鉞利

醫尋食囊汗盜寄居人生齊物態衰鳳嘆何如

題小畫

逐隊鯨魚不可憑當風枯葦折秋稜竿頭有個蜻蜒立多

少兒童捉未能葦枝上蜻蜒

食麥江南說蔽天誰窺籬角一枝烟憐渠獨有秋心事嗅

著寒花度過年寒菊上蚱蜢

高冠一隊臥朝暉那認江湖舊白衣我願寄籠陽羨去書

生伴侶學君肥淺水俱羣鷺

金錢圓菊鑄新秋雀羨蜂甜望不休世上銅山樓要穩量

卷十三

五

無餓法到黃頭砌石上黃雀

吾郡吳榕疆世涵有志著作望之重簡以詩

文章壽命論曹桓吾栢君胡富貴看陸地簡編求老宿栢

搜羅栢郡先正文集自宋元明來欲刻成巨集名山位業待閒官搭疆池大挑余願其得教官果

然他日得第仍願其他官易也正聲只要諾牛鐸奇服何須聚鵠冠縱

五諸侯無用處一星能應少微難

贈閩雨帆學海

兩朝四海論同榜著作清華孰似君以中書改官起居注葵藿性孤

迎日向旂檀香老逆風聞齊廷越石誰知已漢署馮唐莫

喜文載筆優游比林下青州家世本書芸

贈宗滌樓稷辰

嘆君才地困周廬於越王孫出霸餘魏晉人能青白眼春
秋家學短長書李邕義取皆酌筆義取無虛歲
杜詩詠李温嶠名成

豈絕裾迎母京師
侍甚謹他日中書親取旨書種留記閣門初

寒歲藤舍有作

簷隙流光晚更移百年踪跡託深帷江湖夜夢寒燈記天
地冬心老樹知作宦笑蹲墻上火著書愁種鏡中絲草堂
久隔烟霞面歸恐青山問我誰

卷十二

六

湘江迎親圖爲宗滌樓賦

湘江清官飲冰阿父爲官勤濯纓今日思之雙淚零湘江
冷家漂梗阿母持家親汲井今日思之寸心省兒留湘江
不能還鄉兒教讀辛勤煮字阿母嘗兒去湘江未是還鄉
兒科舉孤苦成名阿母傷兒又去湘江隨計入都無路上
書作貴郎如司馬相如貧人謀官靠人實靠己又誰能靠
天七品中書期十年日日

皇帝我陛下還願我老母強健日日雙膝前快具舟四千
里路外迎上湘江頭湘江日寄書阿母未忘憂百計迎親

不可留兒入門母下樓母口笑開兒淚流迎親入京東住
西住一歲僦屋常幾更歲歲更日日常唯有阿母眼中兒
朝堂前暮堂前兒手飯兒手羹堂前燈燭光日照阿母能
長生兒官中書到日後安知不作南州守今日迎親歸異
日迎親又作湘江行湘江冷且清阿母昔日令德傳家聲
是兒今日情迎親迎親湘江湘江一幅畫一首詩傳之子
孫世知之

憶青田山作

江湖搖落憶吾廬客舍秋風逼歲除燈下常多新雁語床

卷十三

七

頭漸少故人書雁公尙可尋借隱詹尹何從問卜居谿谷
日深歸路晚恐無相識舊樵漁

宣南藤舍注易成夜坐作

官家俸米容長蠹佛地燈油伴老鰥百代塵空書掩卷一
身葉薄夢還山更沉夜月街心靜樹過秋風歲味閒比似
易堂清雪上星霜留記鬢毛斑

朝鮮金秋史侍郎正喜託朝使致聯語通問作此荅

鴨綠春風江水香

帝京人領兩華章扶桑筆龍頭客秋史第一人及第早

近白稱阮堂學人又專治經起草新班豹尾郎余新正以扇車下直接其手翰爰象虞

翻通遠夢聞洽虞氏易余以周易指苔問樂歌季札託周行謂朝使中翠微尙書吾

宗舊表雙清館端孝文端孝思出使朝鮮其國建雙清館見明史洪武初端復初傳海上車

書道脈長

朝鮮申翠微尙書在推請相見長春寺爲講大學講

易作此贈之

蒼生出口並橫經况有箕疇古典型味道地深瀛海水中講

學觀文天近斗牛星括蒼斗牛分野與箕尾近其國箕尾分野與括蒼斗牛近梅逢南

卷十三

六

雪心三白其日大雪新霽柳遇東風眼一青鳴鶴遠求聲應好還

山人魏草堂靈

朝鮮李滿船惠吉從朝使至書聯道師弟意荅之

阮堂才子擅春風金秋史高弟子筆妙靈犀透骨通東土國琛增

日下南人家寶洩天中訪中國著述所帽籠曉月蟬紗碧

書襖朝霞蠶紙紅江海漫誇潘陸輩泰山有魯世來同贈聯

有陸海潘江周情孔思語

徐州作

彭城霸業水東流世築金隄地底浮山納黃河奔不住亂

帆如馬過徐州

劉項興亡逐代來歌風早已沒蒿萊夕陽山寺啼鴉滿人
道當年戲馬臺

去國河聲入夢流一年春盡古徐州青衫零落無人惜腸
斷東風燕子樓

汴泗交流河未徙雲龍山抱郡樓開元豐太守真無事日
看山人放鶴回

歸石門山

道人且老學躬耕朝日饑來采藥行煮石鶴奴愁半夜尋

卷十三

九

方木客笑長生洞中白日無沾暑溪上青山不染名瀑布
千年持作被岩床冰冷世忘情

太鶴山易冢

易字收仙靈空山掃葉藏烟霞好城郭天地老金湯圖緯
秦坑外靈威禹穴旁栢茗山趨爲禹穴青田其旁支乾乙
峯狀人寬衣博帶左立靈威丈人象
也混元真冢頂松栢畫蒼蒼

男百祿百禮二校字

受業瑞安洪坤校刊

